



www.qbz.gov.al

Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2022 – Numri: 9

Tiranë – E martë, 8 mars 2022

PËRMBAJTJA

	Faqe
Urdhër i ministrit të Financave dhe Ekonomisë nr. 77, datë 25.2.2022	
Për përzgjedhjen e 2 (dy) anëtarëve të Këshillit Kombëtar të Kontabilitetit	3



URDHËR

Nr. 77, datë 25.2.2022

**PËR PËRZGJEDHJEN E 2 (DY)
ANËTARËVE TË KËSHILLIT
KOMBËTAR TË KONTABILITETIT**

Në mbështetje të pikës 4, të nenit 102, të “Kushtetutës së Republikës së Shqipërisë”, të ndryshuar; të nenit 25, të ligjit nr. 25/2018, datë 10.5.2018, “Për kontabilitetin dhe pasqyrat financiare”; si dhe të nenit 16, të vendimit të Këshillit të Ministrave nr. 505, datë 17.7.2019, “Për miratimin e rregullores së organizimit dhe të funksionimit të Këshillit Kombëtar të Kontabilitetit”;

Me qëllim përzgjedhjen e 2 (dy) anëtarëve të Këshillit Kombëtar të Kontabilitetit (KKK), sipas procedurave të përcaktuara në nenin 16, të vendimit të Këshillit të Ministrave nr. 505, datë 17.7.2019, “Për miratimin e rregullores së organizimit dhe të funksionimit të Këshillit Kombëtar të Kontabilitetit”;

URDHËROJ:

1. Fillimin e procedurave për përzgjedhjen e kandidatëve për 1 (një) anëtar të KKK-së, që propozohet nga:

a) dhomat e tregtisë (përfaqësues të njësive ekonomike të mëdha ose njësive ekonomike me interes publik) ose nga shoqata e bankave – 1 (një) anëtar.

2. Përzgjedhja e kandidatëve për anëtarë të KKK-së, sipas pikës 1 të këtij urdhri, kryhet nga një komision **ad hoc**, i cili përbëhet nga:

- z. Ergys Misha;
- znj. Erisa Rodhani;
- znj. Ina Memisha,

dhe kryen këto detyra:

- Njofton fillimin e procedurave (konkurrimit) të përzgjedhjes së kandidatit të përcaktuar në pikën 1 të urdhrit;

- Shqyrton dokumentacionin e paraqitur nga kandidatët dhe bën vlerësimin e kandidatëve, sipas mënyrës bazuar në kërkesat e posaçme të parashikuara në nenin 3 të rregullores së organizimit dhe të funksionimit të KKK-së, miratuar me vendimin e Këshillit të Ministrave nr. 505;

- Harton listën e kandidatëve, që plotësojnë kërkesat e përcaktuara në këtë urdhër, të shoqëruar me një relacion përmbledhës, së bashku me rekomandimin për kandidatin e përzgjedhur;

- I rekomandon ministrit të Financave dhe Ekonomisë, për miratim, kandidatin e përzgjedhur.

3. Njoftimi i konkurrimit për anëtar, sipas pikës 1 të këtij urdhri, përmban të dhënat, si më poshtë:

a) një përshkrim të shkurtër të kompetencave e të funksionit që mbulon/do të mbulojë anëtari;

b) kërkesat për pranimin e kandidatëve;

c) listën e dokumenteve që duhet të paraqiten, vendin ku do të paraqiten dhe afatin deri kur do të paraqiten dokumentet;

d) mënyrën dhe kohën kur do të shpallet lista e kandidatëve që do të kualifikohen.

Njoftimi publikohet në faqen zyrtare të ministrisë së Financave dhe Ekonomisë, në Buletinin e Njoftimeve Zyrtare të Qendrës së Botimeve Zyrtare dhe në faqen zyrtare të Këshillit Kombëtar të Kontabilitetit.

4. Kandidatët, që do të aplikojnë sipas pikës 1 të këtij urdhri, do të dorëzojnë në Ministrinë e Financave dhe Ekonomisë, dokumentacionin e mëposhtëm:

a) kërkesën me shkrim;

b) kopje të pasaportës ose kartës së identitetit (ID);

c) *Curriculum vitae*;

d) rekomandime që vërtetojnë figurën e pastër morale dhe autoritetin profesional të kandidatit;

e) kopje të noterizuar të librezës së punës;

f) kopje të noterizuar të diplomës;

g) kopje të noterizuara të dëshmimeve e të certifikatave të trajnimeve e të kualifikimeve pasuniversitare;

h) dëshminë e penalitetit.

Dokumentet e përcaktuara në shkronjën “g”, të përfituara jashtë vendit, duhet të jenë të legalizuara, sipas legjislacionit në fuqi.

5. Afati i dorëzimit të dokumentacionit është brenda 15 (pesëmbëdhjetë) ditëve pune nga data e shpalljes së njoftimit.

6. Afati i shqyrtimit të dokumentacionit, vlerësimit, hartimit të listës së kandidatëve, që plotësojnë kërkesat e posaçme dhe relacionit përkatës, si dhe paraqitja e listës për miratim nga ministri i MFE-së, kryhet nga komisioni *ad hoc*, brenda 10 (dhjetë) ditëve pune nga data e mbylljes së afatit të dorëzimit të dokumentacionit.



7. Përzgjedhja e kandidatëve nga komisioni *ad hoc* do bëhet në bazë të dokumentacionit të paraqitur nga kandidatët pranë MFE-së, duke vlerësuar:

- | | |
|---|---------|
| a) arsimi | 35 pikë |
| b) përvoja profesionale në fushën e kontabilitetit dhe auditimit ligjor | 35 pikë |
| c) kualifikime në fushën e kontabilitetit dhe auditimit ligjor | 30 pikë |

8. Fillimin e procedurave për përzgjedhjen e kandidatit për anëtar të KKK-së, që propozohet nga:

- a) Bordi i Mbikëqyrjes Publike – 1 (një) anëtar.

9. Në rastin e anëtarit që përzgjidhet, sipas pikës 8 të këtij urdhri, institucioni përkatës respektiv duhet të paraqesë drejtpërdrejt kandidatin, pranë MFE-së, brenda 15 ditëve nga data e shpalljes së këtij urdhri. Ky institucion është përgjegjës për plotësimin, nga kandidati i paraqitur për miratim nga ministri përgjegjës për financat dhe ekonominë, të kërkesave të posaçme, të parashikuara në pikën 10 të këtij urdhri.

10. Kërkesat e posaçme që duhet të përmbushë një kandidat për të qenë anëtar i këshillit janë, si më poshtë vijon:

a) të ketë edukim në fushën e kontabilitetit dhe/ose të financës;

b) të jetë ekspert në teorinë dhe metodologjinë e kontabilitetit (me titull/gradë) dhe, të paktën, 5 (pesë) vjetët e fundit të jetë i përfshirë drejtpërdrejt në këtë fushë; ose praktikues i licencuar në fushën e kontabilitetit prej jo më pak se 10 (dhjetë) vjetësh; ose praktikues i palicencuar në fushën e kontabilitetit prej jo më pak se 15 (pesëmbëdhjetë) vitesh;

c) të ketë figurë të pastër morale dhe autoritet të njohur profesional.

11. Ministri i MFE-së, jo më vonë se 5 (pesë) ditë pune, miraton anëtarët e KKK-së, nga lista e kandidatëve të propozuar, sipas pikave 1 dhe 8 të këtij urdhri.

Ky urdhër hyn në fuqi menjëherë.

MINISTËR I FINANCAVE
DHE EKONOMISË
Delina Ibrahimaj

Buletini i Njoftimeve Zyrtare shpërndahet falas në çdo pikë të Postës Shqiptare.
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

*Shënim: Ky dokument është gjeneruar dhe vulosur me anë
të një procedure automatike nga një sistem elektronik
(Qendra e Botimeve Zyrtare)*

Tiranë, 2022